

*Q. D. B. V.*

DE EO, QVOD CIRCA  
**EXECVTIONEM**  
IN BONA FEVDALIA  
IVSTVM EST,

Von Vollstreckung der Hülffe  
in Lehn-Güther,



DISSERTATIO INAVGVRALIS IVRIDICA

QVAM

CONSENSV

*ILLVSTRIS FACVLTATIS IVRIDICÆ*

IN PER-ANTIQA ELECTORALI ACADEMIA

ERFORDIENSI,

*SVB PRÆSIDIO*

**DN. TOBIÆ JAC. REINHARTH,**

JCTI, SACR. PALAT. CÆS. COMIT. IVRID. FACVLT. ASSESSORIS ET PROF.  
COD. PVBL. ORD. CIVITAT. STNDIC. ET CONSVL.

IN AVDITORIO JCTORVM MAJORE

**PRO LICENTIA**

SVM MOS IN VTROQVE IURE HONORES

RITE CAPESSENDI,

*ERVDITORVM CENSVRÆ SPBMITTIT*

**JOH. LVDOVICVS FERBER,**

Liebstad. Thur.

*DIE XIX. AVGVSTI M DCC XXIX.*

ERFORDIÆ, litteris GROSCHIANIS, Acad. Typogr.

THE UNIVERSITY OF CHICAGO  
LIBRARY

1000  
1000

1000

1000

1000

1000

1000

1000

1000

1000

## CONSPECTVS DISSERTATIONIS.

- §. I. Nemini licet sibi ipsi jus dicere, remque alteri per vim auferre.
- §. II. Idque in statu civili obtinet, quod secus in statu naturali.
- §. III. Omnis rei iurisque sui persecutio fieri debet per iudicem, quem ideo duo extrema cavere oportet.
- §. IV. Transito ad ibema Dissertationis, de officio iudicis circa executionem in bona feudalia.
- §. V. Quae executio citra impetrationem partium, & praestitum debitum liquidum fieri nequit.
- §. VI. Executionis in bona feudalia descriptio.
- §. VII. A creditore ipso nunquam invito debitore citra auctoritatem iudicis fieri potest, etiamsi ab hoc eidem talis licentia in instrumento ab initio concessa sit, quod secus, si debitor creditori non resistat.
- §. VIII. Notantur diversa sententia COLERI, BRVNNEMANNI & MARTINI ad L. 3. C. de pignorib.
- §. IX. CARD. TVSCHII thes.: Posse iudicem ex officio dare potestatem propria auctoritate possessionem fundi alieni ingrediendi pro executione, est contradiCTORIA & falsa.
- §. X. Executio feudalis non nisi a Iudice competente fieri potest.
- §. XI. Ratione executionis feudalis inter Dominum feudi & Iudicem ordinarium distinguendum.
- §. XII. Si executio in feuda a Domino feudi, qui simul est Dominus territorialis vel Jurisdictionis illius loci, ubi feudum situm est, expeditur, tam in fructus quam in ipsam substantiam feudi fieri potest.
- §. XIII. Juxta Ord. Proc. Recogn. t. 40. §. I. ratione debiti merè allodialis, consensu Domini feudi non muniti, à Regimine illustri Electorali Sax. sine speciali praestitu Potentissimi Domini feudi executio in ipsam substantiam feudi fieri non potest, quod quondam secus.
- §. XIV. Dominus feudi invitus
- (a)
- ad

- ad executionem in substantiam feudi faciendam ob debitum allodiale cogi non potest.
- §. XV. In dubio indeterminata Domini declaratio de exequentia in substantiam feudi directa esse praesumitur.
- §. XVI. Ratione debitorum feudaliū, consensuque Domini feudi munitorum hic ad exequendum in ipsam substantiam invitatus tenetur.
- §. XVII. Dominus feudi superioritate territoriali vel jurisdictione ordinaria non gaudens intuitu feudi habet jurisdictionem feudalem; unde (1) potestas judicandi in causis feudalibus (2) investendi, (3) servitia indicendi &c.
- §. XVIII. Haec Jfio tamen est maxime limitata, hinc (1) non potest judicare in causis non feudalibus.
- §. XIX. Nec (2) Citationem immediate in alterius territorio insinuare valet.
- §. XX. Multo minus (3) sententiam in causis etiam feudalibus, nedum non feudalibus latam, immediate potest exequi.
- §. XXI. Etiam si pertinentia feudalia saltem in alieno territorio sint sita;
- §. XXII. Judex ordinarius feudi non Dominus executionem regulariter tantum in fructus expedit.
- §. XXIII. Idem in feudo merò hereditario obtinet.
- §. XXIV. Secus est, si Domini consensu expresso vel tacito debitum munitum sit.
- §. XXV. Executori ordo & norma exequendi ad amicum sub penā nullitatis est observanda.
- §. XXVI. Post adjudicationem in foro Sax. Elect. resignatio Domini utilis est abrogata.
- §. XXVII. Executio creditoribus prioribus non praesudicat.
- §. XXVIII. & XXIX. Neque agnatis & simultaneè investitis, in debitum non consentientibus.
- §. XXX. Sed his feudum revocandi per actionem revocatoriam potestas competit, quae ab actione ex Retractu & Jure Proximorum feudali sollicite est distinguenda.
- §. XXXI. Conclusio.



§. I.



Eminem per vim aut aliam facti viam  
sibimetipsi jus dicere, atque rem, cir-  
ca quam jus forsân habere præten-  
dit, proprio ausu alteri auferre lice-  
re, quin potius judicem adire, eum-  
que, ut publicâ autoritate adversa-  
rium in ordinem redigat, ejusve

contumaciam coërceat, implorare debere, ex variis Im-  
peratorum Constitutionibus aliisve Legibus plus quam  
manifestum est. Audiamus inter cæteros Imp. MAR-  
CVM in L. 7. ff. ad L. Jul. de vi priv. quem non sine ver-  
borum gravitate ita rescriptisse legimus : *Tu vim putas  
esse solum, si homines vulnerentur? Vis est & tunc quoties  
quid id, quod deberi sibi putat, non per judicem reposeit.  
Idcirco enim, inquit porro Imp. HONORIVS &  
THEODOSIVS L. Nullus 14. C. de Judæis, judiciorum vi-  
gor, jurisve publici tutela in medio constituta, ne quisquam  
sibi ipsi permittere valeat ultionem. Neque in solis ejus-  
modi prohibitionum terminis acquievissse Legislatores,  
quin potius gravissimas pœnas in illos qui contrarium  
facere auderent, ita, ut vel propriâ autoritate creditum*

A

à de-

à debitore per vim exigent, vel rem, utut propriam non domino eriperent, statuissè, ex famosis textibus in *L. extat 13. ff. quod met. & L. 7. C. unde Vi* luculenter apparet, quorum usum forensem ex Legibus Germanicis egregiè illustratum dedit SCHILTERVS *Exerc. ad ff. XI. §. 13. seqq.* ad quem brevitatis studio me remitto.

## §. II.

Utut enim in *statu naturali* ob æqualitatem summam inter homines existentem aliud itatuendum esse videatur, ita, ut, cum nemo alienarum actionum iudex esse possit, quin potius cessante ibi imperio omnes ut pares tractandi sint, cuilibet jus competat, istud, quod sibi jure debetur, privatâ autoritate etiam per vim ab altero invito extorquendi, eumque, qui me injustè læsit, non quidem, per modum *pæne*, quod putat GROTIUS, sed per modum *belli*, ad satisfactionem compellendi; Diversam tamen hominum in *statu adventitio* s. *Civili* constitutorum esse rationem, ex eo satis est liquidum: quod propter ordinem Imperantium & parentium, judiciorumque constitutionem exulet omnino absoluta ista inter omnes homines æqualitas libertasve, ita quidem, ut, quod in *statu naturali* licitum, in *statu Civili*, ob cessantem penitus rationem existat illicitum, atque in crimen degeneret. Dn. BÖHMER. *Introd. in Jus Publ. univ. Part. Spec. L. 2. cap. 7. tit. 5. §. 11.* Hinc præclare CICERO *Lib. III. de Legib.* Nihil, inquit, civitati exitiosius, nihil tam contrarium juri & Legibus, nihil minus civile & humanum, quam compositâ & constitutâ Republicâ quicquam agi per vim.

## §. III.

## §. III.

Ex quo vero, constitutis in statu Civili judiciis, introductove Imperantium & parentium ordine, nemo ad juris sui rei que consecutionem, nisi per judicem, venire potest, ex ipsa rectâ ratione colligi poterit, duo potissimum extrema judici cane pejus & angue esse cavenda. *Primum* est, ne ab executione omiſſa causæ cognitione processum inchoet, *alterum* vero, ne causa factis cognitâ & decisa sententiæ suæ executionem victori denegat, vel ultra modum retardet. Sicut enim si in posterius prolabitur divexare saltem partes dicitur, juxta illud vulgi dictærum: quod ex ZAHNII *Ichnographia municip. cap. 37. n. 64.* refert Ill. HERTIVS *Consil. 101. n. 7.* Statuiren und nicht exequiren, heisset nur die Leute vexiren. Ita econtra Judex executionem præposterans atque ab illa processum inchoans spoliator existit, juxta textum notabilem in *Cap. Conquerente 7. X. de Restitut. Spoliator.* cujus consequens est, ut ad rei plenariam restitutionem cum damnorum & expensarum refusione parti læsæ ante omnia teneatur, de quo GAIL. *L. 2. obs. 76.* & CARPZ. *Lib. I. Resp. 11.* legi merentur, idque simpliciter ita obtinere existimo, sive judex ex proprio privatoque suo Interesse ad executionem iniquè contra partem processerit, & ita non tam quâ judex, sed quâ privatus spoliaverit, ad quem casum collimare videtur præjudicium apud CARPZOVIVM *Lib. I. Resp. XI. tit. 1. n. 16.* sive ut solus judex citra proprium commodum tale quid fecerit; nam parem in utroque casu militare rationem recte asseri satisque probari à CARPZOVIO *cit. Resp. XI. n. 6.* existimo, nec

esse satis causæ, ut allegatum textum in *Cap. 7. X. de Restit. Spoliat.* cum B. ZIEGLERO in *Prælect. Decret. ad dict. cap.* ad priorem saltem casum, quando iudex ut privatus ob proprium, quod forsân ex causâ habet Interesse, ita processerit, restringamus, tuto affirmare non dubito, de quo legi merentur, quæ ex instituto in *Differat. Inaugurali* ANTONII BROHMII huc Erford. MDCCXVIII. de *Judice Spoliatore* habitâ ad prælaudatum Juris Canonici textum fuere tradita.

§. IV.

Quandoquidem vero partes judicis non minus in cognoscendo & judicando, quam in exequendo consistunt, in singulis ut æqualem sollicitudinem & diligentiam adhibeat, officium, quo fungitur, omnino exigit. De prioribus autem ut nunc agam instituti mei non fert ratio; neque, de ultima, quæ circa ipsam sententiæ executionem sese exerit, adeo latè me extendam, ut quicquid circa eam generatim juris sit, jamjam discutiam; Sed hoc saltem in præsentiarum agam, ut speciminis inauguralis loco, an & quatenus executio in bona feudalia ob debitum sive allodiale sive feudale tam in foris Juris Communis quam Saxonice, iisque vel Electoralibus aut Communibus à Judice ritè decerni fierique valeat, vel non valeat? succinctâ brevitate speciatim ostendam.

§. V.

Ante omnia autem ad hoc, ut executio in bona feudalia decerni fierique queat, non tantum debitum quod vel ex Judicâto vel confessione debitoris legitima est liquidum, sed etiam ut creditor executionem spe-



speciatim urserit vel petierit, supponendum est. Sicut enim in casu non existentis debiti ita liquidi, executione quidem in allodialia bona fieri, ita multo minus ex officio, creditore vel ejus procuratore speciali mandato instructo non petente, à judice utut competente discerni peragique poterit; solius enim creditoris interesse actus executionis respicit, adeoque ad officium judicis suppletorium regulariter non pertinet, *arg. L. 4. §. 8. ff. de damno infect.* id quod manifestè ex ipsis O. J. S. R. verbis §. 1. tit. 39. colligitur, ibi: **So bald ein Urtheil, oder Abschied seine Rechts-Krafft erlanget, soll auf Ansuchen des obsiegenden Theils wider den Gegner ohngesäumt mit der Hülffe verfahren werden.** Unde apparet, sine sufficiente causa **VULTEJUM L. 2. Cap. 4. de judiciis, quem sequi videtur ZAVNSCHLIFER de Off. Judic. suppletor. P. 2. Concl. XVI. §. 1. p. 122.** pupugisse **BARTOLVM**, quod hic ad **L. 1. C. de Except. rei judic.** executionem sine præviâ imploratione à judice fieri posse, concedere noluerit.

#### §. VI.

Quod jam executionem ipsam in bona feudalibus attinet, illam sic describendam esse existimo, quod sit actus judicarius, quo Vasallus invitus ad satisfactionem creditori præstandam ita compellitur, ut vel ex substantiâ feudi, vel fructibus feudalibus solutio præstari debeat.

#### §. VII.

Eo ipso autem, quò per actum judicarium, quo creditori invito Vasallo satisfieri debet, executionem feudalem descripsi, consequens est, per judicem eam semper expediendam esse, nec creditori potestatem com-

petere fundum feudalem propriâ autoritate invito Vassallo propter debitum ingrediendi, possessionemque apprehendendi, etiamsi in instrumento obligationis creditori ejusmodi facultas expressè concessa fuerit. Ejusmodi enim clausula hoc saltem operatur, ut *volente debitore & non reluctante* creditor vi conventionis feudum oppignoraturn citra auctoritatem judicis occupare queat, qualem sic impetratam possessionem cæteris paribus, pro vitiosâ haberi non posse ex *L. 11. C. de pignor. act. & L. 3. C. de pignor.* satis apparere existimo cum STRUVIO in *S. J. C. Exercit. 26. th. 41.* & SCHWENDENDÖRFFERO ad *EKKOLTVM* *ij. ff. de pignor. §. 5. voc. propriâ autoritate*; cum dicta *L. 3.* auctoritatem judicis in exequendo ejusmodi pacto tum demum *de necessitate* requirat, quando debitor vel verbis vel factis creditori ingredi volenti reluctatur, STRAVCH *Disp. ad ff. 13. Aph. 18.* idque sive debitor sive tertius fundum possideat. CARPZ. *L. 1. Resp. V.* cum omnis occupatio privatâ autoritate invito possessore sit prohibita, *Rec. J. de A. 1600. §. 31. verb. durch Unser Kayserl. Cammer Gericht.* Nec quicquam textum *II. Feud. 22.* heic obstare existimo; Verba enim: *poterit eum depredare* Neutiquam de potestate, Vassallum Contumacem propriâ autoritate prædio exuendi cum HOTOMANNO in *L. II. f. 22. verb. poterit.* interpretanda, sed ita intelligenda esse, ut judicis factum non excludatur, rectè ex aliis Juris feudalis textibus probavit Dn. de ZECH, in *Dissert. eruditâ de Vi superioritatis territorialis &c. §. 42. Lipsie MDCCXII.* habitâ.

## §. VIII.

Quâ distinctione adhibitâ non est, ut vel ex unâ parte cum COLERO *de Proc. Execut. P. I. cap. 5. n. 88.* & aliis citati textus in *L. 3. C. de pignor.* verba finalia: *attamen auctoritate præsidis possessionem adipisci debent* &c. de sola urbanitate contra sensum literalem & genuinum, nec non contra vim particulæ: *Debent*, quæ necessitatem semper denotat, detorqueamus, vel ex altera parte cum BRÜNNEMANNO *ad dict. text. n. 5.* MARTINI *ad Proceff. Sax. t. 39. §. 1. n. 129.* aliisque, ejusmodi pactum pro tali, quod contra bonos mores, adeoque semper invalidum & nullum est, declaremus. Eò ipso enim, cum debitor vi ejusmodi conventionis executioni non resistit, quin potius creditori possessionem fundi ipse sponte concedit, nulla injuria eidem volenti infligitur, neque tumultus, rixæ vel homicidia metuenda, ac per consequens nihil turpitudinis tali pacto in se inesse dici poterit.

## §. IX.

Sed neque hoc capere possum, quod ex CARD. TVSCHIO *Lib. I. Concl. 395. n. 29.* refert DN. ZAVN-SCHLIFFER *Tr. de offic. Jud. suppletorio*, scil. posse JUDICEM EX OFFICIO dare potestatem PROPRIA AUCTORITATE possessionem fundi alieni pro executione sibi debitâ ingrediendi. Ex duplici quippe capite thesin hancce falsam esse, existimo. *Primo* enim judicem ex officio suppletorio ipsam executionem regulariter decernere non posse, supra §. V. jam tum deducit assertum atque probatum; cujus necessarium consequens est, multo minus ab ipso *ex officio* privatam occu-

occupationem fundi alieni creditori pro executione indulgeri posse. *Secundo* manifestam contradictionem dicta thesis TVSCHII in se continet; propria enim & judicis autoritate simul fundum alienum ingredi, apertè implicat.

#### §. X.

Hoc porro albo lapillo notandum: omnem executionem & sic quoque illam, quæ fit in bona feudalia ab *incompetente iudice*, qualis in ordine ad exequendum is est, sub cujus jurisdictione bona, in quæ executio peragenda, non sunt sita, factam, effectivè pro tali esse habendam, quæ privatim à privato facta, consequenter pro spolio, & ipso jure nulla existimanda, per *Rec. Imper. de A. 1600. §. 32. arg. L. 5. C. de Jure Fisci. KLOCK. Consil. 99. n. 47. §. 3.* Ex quo porro consequitur, quod ejusmodi debitori res cum omni causa ante omnia sit restituenda *L. 6. §. 1. C. unde Vi.*

#### §. XI.

Ut autem constet, quis in executione in res feudales mediatas scil. (nam de immediatis & Imperii feudis impræsentiarum non est sermo) expediendâ, sit iudex competens, & in quantum illa de jure & legitime fieri queat, sollicitè distinguendum esse existimo: Utrum ejusmodi executio ab ipso Domino feudi, vel à solo Iudice directum dominium in feudo non habente, à creditore contra Vasallum petatur? Priori casu iterum dispiciendum puto: an Dominus feudi insimul sit Dominus territorialis, vel saltem Jurisdictionalis illius loci, ubi feudum situm est, aut non sit?

#### §. XII.

## §. XII.

Quodsi itaque executio in prædia feudalia ab ipso Domino feudi, eoque qui insimul jura superioritatis vel saltem ordinariam Jurisdictionem illius loci, ubi feudum situm, exercet, petatur, nullum dubium quin in arbitrio ejus sit, executionem immediatè non solum in fructus, sed quoque ipsam feudi substantiam & utile dominium ad instantiam creditoris expediendi, idque citra distinctionem, utrum debitum, propter quod petita fuit executio, feudale, vel non feudale s. allodialia fuerit; argumento eorum, quæ *H. F. 39. & 55.* jure Longobardico sunt disposita; siquidem ejusmodi executio in feudum ipsam involvit alienationem, quam indistinctè Dominum feudi concedere posse ex *cit. text. in II. F. 55.* constat. Idem quoque Jure Sax. Elector. obtinere ex *ORDINAT. PROC. Tit. XL. §. 1.* apparet.

## §. XIII.

Ubi tamen secundum *ORDINAT. RECOGNIT. ad dict. tit. XL. §. 1. p. 229.* cum abrogatione expressâ eorum, quæ in Veteri *PROCESS. ORDINAT. d. tit. §. 1.* *Darum wollen wir ic. suere* disposita, specialiter est constitutum, ut in casu, quo ab illustri Regimine Electorali Dresdensi executio ob *debita non feudalia*, sed mere *allodialia*, ob quæ feudum cum consensu Domini legitime non est oppignorat, petitur, hoc sine speciali præscitu & consensu ipsius Potentissimi Regis & Electoris quâ Domini directi, executionem in ipsam substantiam feudi & utile Dominium mandare & expedire, ut antea pro arbitrio fieri poterat, jam non possit, sed in solos fructus feudales, executio, si quam mandare vult Regimen,

B

men,

men, fieri debeat; quodsi vero ratione debitorum feudaliū consensu Domini directi & hypothecā feudaliū munitorum executio urgeatur, secus se res habet, ob ejusmodi enim debita & ex parte praelaudati Regiminis sine speciali consensu Regis ad instantiam creditorum executionem in ipsam feudi substantiam adhuc hodie fieri posse, aperta verba dictæ ORDINAT. RECOGN. condocent: Wegen derer Schulden aber, so mit Lehnherrlichen Consens auf ein Lehn-Guth versichert sind, wird denen Gläubigern nicht nur in die fructus, sondern auf deren Verlangen auch in die substantz des feudi verholffen zc.

## §. XIV.

Ex quo vero libertati ejusmodi Domini directi relictum esse diximus, vel in ipsam substantiam & utile dominium feudi, etiam ob debita non feudalia extendendi executionem, nullatenus sequitur: eundem invitum ad hoc cogi posse; dict. §. 1. *Ordin. Proc. Elect.* verb. Denn so wenig als er wieder seinen Willen gedrungen werden kan, der Schulden halber, so mit seiner Bewilligung auf das Lehn nicht versichert, dem Gläubiger weiter als in die Früchte zu verhelffen, so wenig sind ihm auch die Hände gebunden, daß er krafft seiner Jurisdiction, die er auf den Lehn hat, nicht zu dem Eigenthum des Lehns verhelffen könnte zc. Ratio est in promptu: Dominus enim executionem in substantiam feudi expediens, alienationem, in quam eo ipso consentit, intendit; atqui ut in alienationem feudi invitum consentiat, cogi nequit II. F. 55. Ergo nec ad executionem in ejus substantiam. Rationem rationis si audi-

re velis, accipe hanc: Ne, si ad hoc invitatus adigi posset, Vassallus contrahendo æs alienum pro arbitrio alienationi causam præbere queat, eoque ipso Domino præter voluntatem Vassallum, minus ipsi probatum obtrudat, contra manifestam Juris Feud. dispositionem, quæ extat II. F. 55. FRANZK. Lib. III. Resol. 8. n. 1. CARPZ. Lib. VI. Resp. 74. n. 14.

## §. XV.

Hoc tamen certum, Dominum directum, si paulo obscurius, aut nimis generaliter executionem in feudum imperet, nec expressè disertèque declaret, utrum in substantiam feudi vel saltem fructus eam consummari velit, illam nequiquam ad fructus restrinxisse, quin potius ad feudum ipsum in dubio extendisse videri, atque ipso jure præsumi, quod creditori jus reale non solum in fructibus, sed etiam ipso feudo per executionem dederit. Dominus enim ad petitionem creditoris generaliter & indefinitè respondendo, in id, quod petit, consensisse, taleque jus concessisse creditur, quod ejus potestati & Jurisdictioni feudali est conveniens, cum sibi imputare debeat, quod clarius intentionem suam non exprefferit. L. 39. ff. de Pact. STRUV. S. J. F. cap. 14. lib. 32. ORD. PROC. ELECT. T. 40. §. 1.

## §. XVI.

Notanter vero supra §. XIV. assertum dedi: Dominum directum ad executionem in substantiam feudi ob debita non feudalia, sed merè allodialia & consensu ejusdem non munita decernendam, invitum cogi non posse. Secus enim esse in executione ob debita feudalia, consensuque Domini munita, ita, ut Dominus nplens volens in

executionem & distractionem feudi oppignorati consentire debeat, atque ad consentiendum jure adigiqueat, apud omnes in confesso est, STRUV. *S. J. F. cap. 14. th. 31.* RICHTER *de privileg. Credit. C. 4. §. 3. n. 52.* EARPZ. *de oner. Vassall. feud. Decad. 5. posit. 1. n. 50. seqq.* nec quicquam refert, utrum consensus Domini oppignoracionem præcesserit, vel post eam per modum ratihabitionis supervenerit; retrotrahi enim ejusmodi ratihabitionem, idemque esse, ac si ab initio Dominus consensisset, MYNSINGERVS *Cent. IV. obs. 87. n. 6.* rectè docuit, ac extra omnem pugnam esse, testatus est. Ratio genuina hujus thesios in ipso textu ORDINAT. PROC. ELECT. SAX. *cit. tit. 40. §. 2.* exprimitur: scilicet quod creditor tali casu executione sua non novum jus in feudo quærat, sed illi, quod jam tum acquisivit, coram competente judice saltem insistit, illudque persequitur, imò domino directo in oppignoracionem ab initio consentienti, postea vero executionem impedire volenti, obstat Canon Juris pervulgatus: quæ ab initio sunt voluntatis, postea fiunt necessitatis, & qui concessit antecedens, concedere etiam nolens volens debet consequens.

#### §. XVII.

Hæcque ita obtinent, si Dominus directus insuper ratione feudi jura habeat territorialia vel jurisdictionalia; Jam videbimus, quid altero casu juris sit, si Dominus directus ratione feudi neque sit dominus territorii neque jurisdictione ordinariâ, sed solo dominio directo in alterius territorio vel jurisdictione siti gaudeat: Hoc quidem negari non potest, ejusmodi dominum directum



Etum intuitu feudi quôcunque loco siti jurisdictione quâdam gaudere ita, ut (1) cum Paribus Curiae in Controversiis & causis merè feudalibus, quales demum sunt, quæ inter duas pluresve personas qualitate feudali in eâdem Curia præditas, de re factove feudali ventilantur, II. F. 55. §. fin. juncto II. F. 15. vid. EYBEN. *Dissert. de Caus. Feud. sect. 5. §. 4. p. 667.* judicium formare, cognoscere & decidere queat, HORN. *Jurispr. Feud. cap. 25. §. 3. & 4.* nec non jubere, ut rei judicatæ obtemperetur, sub comminatione amissionis feudi II. F. 22. 24. §. fin. Neque (2) potestas eidem deneganda arrestum ratione ejusmodi feudi in alieno territorio sit, ad instantiam creditorum ad effectum consequendi pignus prætorium, s. jus reale, decernendi, prout rectè in terminis Scabinos Lipsienses d. 15. Decembr. 1659. pro validitate ejusmodi arresti pronunciaffe retulit SCHILTER. *Exerc. ad ff. 46. §. 16.* idem sentiente CARPZOVIO in *Proc. tit. 21. Art. 3. §. 8. n. 61. seq.* additâ ratione decidendi haud incongruâ: Quod arrestum jus & effectum pignoris tribuat. Idem CARPZ. *tit. 21. Art. 3. §. 2. n. 8. seqq.* jam vero nullam oppignorationem absque approbatione & consensu Domini directi validam, contra vero à judice, qui dominus feudi non est, impetratam, omnino inefficacem esse per *Cap. Imperialem tit. 55. II. F. de prohibita feudi alienatione* & GLOSS. in *Lehn-Recht Cap. 55. n. 6.* Multo vero magis (3) illa exercere efficaciter poterit, quæ non tam ab ejus potestate judiciali, quam potius extrajudiciali, atque ipsa indole feudi principaliter pendent, nec domini territorii jura ullatenus infringunt, veluti cum investitu-

ram feudi vel simultaneam concedit vel renovat, servitia indicit, wenn er die Ritter- und Lehn-Pferde anbietet, feudi qualitatem in sui præjudicium immutat, atque ex masculino foemininum, vel ex pacto & providentia tali, hæreditarium conficit, jus testandi indulget, similiaque justo moderatoque arbitrio peragit expeditque II. F. 26. §. licet. 55. §. fin. Dn. de ZECH. in *Dissert. de Vi superioritatis territorialis &c. sub præsidio B. Dn. MENCKENII*, Lipsiæ A. 1712. habita. EYBEN. *Diff. de Caus. Feudal. Sect. V. §. 4. p. 667.*

### §. XVIII.

Verum enim vero, quemadmodum talismodi domini directi Jurisdictio feudalis limitata saltem est, & jurisdictioni generali ordinariæ ex pactis & consuetudine superinducta, consequenter strictæ interpretationis B. Dn. MENCKE *tr. Synops. Proc. tit. 40. §. 3. p. 163.* ita effectus intuitu feudi in alieno territorio siti sese, nullatenus eo extendit, ut feudi dominus de causis non feudalibus utut feudum indirectè tangentibus, cognoscere, & decidere queat; Causa autem pro non feudali active & passive toties habenda, quoties illa inter Vassallum & extraneum in nexu feudali non constitutum vertitur arg. I. F. 10. SCHWANEMANN. *Obs. Cam. Obs. II. n. 11.* HORN. *Jurispr. feudat. cap. 25. §. 1.* Ex quo fundamento rectè inferitur: quod si de juribus subditorum Vassalli inter hunc & illos v. g. ratione juris patendi, operarum, aliarumve servitutum jariumque particularium prædiorum feudalium controversetur, causam pro feudali, Domini directi Jurisdictioni sive in cognoscendo sive exequendo obnoxia, haberi non pos-

se. Dn. de ZECH. *supra cit. Dissert. de Vt superioritatis territ. §. 40.* Multo minus pro feudali causa æstimanda, si à creditore Vasallus ratione debiti, pro quo fundus feudalis cum Domini consensu est oppignoratus, convenitur, immissioque petitur. B. MENCKE *tr. ad Proc. cit. t. 40. §. 3.*

§. XIX.

Neque (2) Jurisdictio Domini directi ratione feudi in alieno territorio siti quoad causas verè feudales adeo latius se diffundit, ut in alieno territorio *immediate* sicut in cognoscendo & judicando, ita & in exequendo, exerceri queat. Nam ipsa recta ratio distat; superioritatem territorialem ejusmodi Jurisdictionem feudalem summopere temperare & restringere. Ut jam LL. Imperii fundamentales taceam, quibus expressè cautum, ne sub prætextu Domini directi *der Lehns-Herrschaft*, quisquam ab imperio Domini territorialis eximatur. CAPIT. LEOPOLD. *art. 3.* CAROL. VI. *art. 15.* REC. IMP. *de A. 1654. §. 164.* Proinde, nisi aliud observantiâ introductum esse, ex parte Domini feudi liquido doceri queat, vix erit, ut Vasallum ratione feudi in alieno territorio *immediate* & absque præviâ requisitione judicis ordinarii citare, citationemque eidem insinuare queat, idque ad exemplum aliorum judicum diversæ jurisdictionis sive sæcularis sive ecclesiasticæ. *arg. L. 1. §. 2. ff. de requir. reis; & absens. damnand. Nov. 134. cap. 5.* FRIEDER. à SANDE in *Consuetud. feud. Geldr. tr. 3. §. 3. n. 9.* Utut enim meris notificationibus aut denunciationibus uti, eidem non denegandum, diversum tamen ratione citationum ex  
cō

eò statuendum esse existimo, quod hæ jurisdictionem in loco insinuationis, nunquam non præsupponunt.

§. XX.

Ex quo jam manifestum est, quod, quotiescunque executio in causis merè feudalibus etiam ratione sententiæ ad privationem feudi in alieno territorio sit, tendentis, peragenda, illam à Domino feudi nunquam immediate peragi posse, sed semper competentis judicis istius loci requisitione subsidiali opus esse. *arg. 11. F. 22. Et arg. L. 13. §. 3. verb. ad majorem judicem C. de judic.* Jus enim exequendi semper superioritatis territorialis pars est, quæ habet vim justam & coactivam conjunctam, quæ nemini in alterius territorio competere potest. SCHILTER. *Exerc. ad ff. 46. §. 16. Et 17. ubi Scabinorum Lipsiensium elegans adduxit præjudicium, sequentis tenoris: Zum (2) und auf die andere Frage sprechen wir: Ob ihr wohl in denen Gedanken begriffen, daß weil der Lehn-Herr, in denen Sachen, so die Natur und Substanz des feudi betreffen, seine eigene Jurisdiction hat, und von denenselben alleine cognosciren kan, daß er auch ohnersuchet des judicis ordinarii in sein Lehn-Stück die Execution vollstrecken könne, wenn auch gleich dasselbe in einem andern territorio gelegen; Dieweil aber dennoch der Lehn-Herr in eines andern territorio wider desselben Willen keine execution vollstrecken kan, sondern bewährter Rechts-Lehrer Meinung nach, den judicem ordinarium durch requisitoriales erst darum ersuchen muß ic.* So mag auch im gegenwärtigen Falle die execution in feudi substantiam von dem Lehn-Herrn vor sich selbst, ohne

Zu-

thum des judicis ordinarii nicht vollstreckt werden.  
N. 28.

§. XXI.

Quid vero, si feudum ipsum sub Domini feudi jurisdictione situm, quædam tamen ejus pertinentiæ in no constitutæ reperiantur territorio? Ne tunc quin ratione horum pertinentium executionem immediate à Domino feudi citra requisitionem judicis, cui jurisdictioni pertinentia feudalia subsunt, fieri possum SCHILTERO *diç. Exercit. §. 17.* existimo. Ad ionem enim dubitandi, à continentia causæ desumenda, vigore cujus causa feudi principalis ad suum finem regulariter trahit causam minus principalem sive accessoriam, solide respondit idem SCHILTERVS, ad toties cesset, quoties res non sub ejusdem superioris jurisdictione sita sit, ita, ut tali casu continentia timo jure dividi, & utcumque judicem adiri oportet. P. FRIDER. *de Continent. C. 3. n. 8.* Hoc tamen tum, judicem loci ubi feudum situm, si fuerit ad exequendum à Domino feudi requisitus, promptum autem eo magis præstare debere, quo certius, quod in illa denegationis querela super denegata justitia locum obtineat, ac mandatis pœnalibus, de exequendo licatum, locum faciat. Idem SCHILTER c. l. Dn. ZECH, sæpe citat. *Dissert. de Vi superioritatis territor.* 42.

§. XXII.

Atque hæc de Domino feudi Jurisdictione destituta dicta sunt. Jam *Judicem ordinarium, feudi non Domini* quod attinet, illam *regulariter* non in ipsam feudum  
C sub-

substantiam, sed saltem in *fructus & commoditates feudi* executionem expedire posse, tam ex Jure Longobardico II. F. 45. quam jure Germanico, per *Ord. Cam. P. 2. t. 9. §. 2. P. 3. t. 48. §. 5.* præsertim Jure Saxonico, per *Ord. Proc. Electoral. tit. 40. §. 1.* apertum est. Ratio est in promptu, quia fructus non sunt res feudales, sed allodiales, de quibus sicut Vasallo libera disponendi, ita & ordinario judici, sine consensu Domini feudi, potestas exequendi optimo jure competit. *arg. 11. f. 45. STRUV. S. J. F. c. 12. §. 7. n. 4. ROSENTHAL de feud. cap. 9. Conclus. 16. n. 7.* Contra verò, quo minus in ipsam feudi substantiam executio peragi possit, dominium utile & restrictum Vasallo competens dominium vero directum Domino remanens, impedit; Domino enim directo invito novum obtrudere Vasallum extra Vasalli arbitrium positum est. II. F. 8. §. *rei quid ergo.*

§. XXIII.

Atque hæc ipsa ratio efficit, ut neque in *feudo mere hereditario* in ejus substantiam executio à judice ordinario cum effectu fieri valeat; In hoc enim feudo idem nexus dominii directi & utilis ac in aliis feudis, ac per consequens etiam eadem prohibita alienandi licentia dominium utile, dominoque directo præjudicandi potestas, superest. Anomalia enim ejusmodi feudi hereditarii, quâ ab aliis feudis deflectit, & naturam allodialium quodammodo induit, ad materiam successionis saltem pertinet, à quâ tanquam à particulari ad universale valida non potest duci consequentia vid. *textus II. F. 48. 52. & 55. KÖPPEN Dec. 39. n. 20. & 21.* Neque porro & quod magis est, ipse Vasallus suo consen-

su

vel conniventia efficere poterit, ut in ipsam substantiam feudi à tali iudice fiat executio. Consensu enim nec juri tertii nec dispositioni & normæ legis, ad am in exequendo iudex sub poenâ nullitatis præcise strictus est, debitor præjudicare poterit *II. F. 24. §. 2. ARTINI Commentar. ad Ord. Proc. tit. 40. §. 1. num. 4.* oinde si ita iudex ordinarius sine consensu domini executionem in ipsum feudum consentiente debitore, nilominus peregerit, creditoremque iminiserit, hunc, que vivente Vasallo feudum, ob executionem nulli factam, retinere posse, rectè concludit B. MENCKE *diç. tit. 40. Ord. Proc. Sax. §. 1. in f.*

#### §. XXIV.

Significanter vero supra §. XXII. de Iudice ordinario dictum est: quod regulariter tantum in feudi fructus executionem peragere queat, & quod potissima ratio sit, Domino directo invito novus obtrudatur Vasallus. quo fuit, quod toties iudici ordinario potestas in feudi substantiam exequendi competat, quoties vel de feudi Domini consensu expresso vel tacito constat. incum in casu, quo dominus directus in oppignorationem prædii feudalis consensit, eo ipso quoque in casu alienationem consensisse censeatur iudicem loci ordinarium ad creditoris instantiam in ipsius feudi dominium utile executionem peragere posse, neque immissionis peculiari confirmatione à Domino feudi ipsi opus esse, ex eo apparet, quod ita novum jus in re, in præjudicium Domini feudi, creditori non constituatur, sed hic istud, quod legitime jam est constitutum, saltem

persequatur. STRUV. *S. J. F. cap. 14. §. 31. n. 2.* Idem quoque obtinet, si executio propter debita feudo singulariter coherentia, facienda, veluti ob onera sic dicta feudalia, quia hæc ipso jure feuda ita afficere dicuntur, ut ob ea distractionem dominus directus detrectare nequeat. Idem cit. tr. & loc. BERLICH. *P. 1. Concl. 82. n. 22.* CARPZ. *P. 2. C. 46. def. 26.* Sic in ejusmodi feudis, quæ Vasallo instar allodii, zu einen rechten allodial-Erbguth, sunt concessa, vel alias vi pacti vel consuetudinis simpliciter sunt alienabilia, quin executio in ipsam substantiam, utroque casu, citra Domini specialem consensum, jure fieri queat, propter generalem alienandi licentiam Vasallis competentem, nullus plane dubito. DN. MENCKE *Disp. ad Proc. tit. 40. §. 2. p. 611.*

§. XXV.

Ordinem autem & formam exequendi iudex executor sub poenâ nullitatis si quid neglexerit, ad amissum observare debet. Nec enim per saltum & confuse, sed gradatim, & justo ordine est expedienda, scil. si Vasallus ex causa feudali conventus feudo v.g. privatus & ad restitutionem feudi condemnatus fuit, exmissione & respective immissione solâ opus esse, res ipsa loquitur. Sin vero ex causa non feudali veluti propter debita feudalia vel non feudalia executio in ipsum feudum peragenda, post immiſſionem, subhastatio, licitatio & adjudicatio requiritur. De quorum actuum executivorum forma & expeditione ordinationes Processuum videri possunt, illos enim singulatim heic proponere nostri non est instituti, eoque minus necessarium esse ducimus, cum plerumque idem modus procedendi,



di, qui in allodialibus obtinet, & in executionibus feudali-  
bus, nisi in casibus sigillatim hoc vel illo loco ex-  
ceptis, locum habeat. Confer. *O. P. S. R. ad tit. 40. §. 1. inf. ibi*: Und wird im übrigen mit der Subhastation und  
Adjudication auf Urth und Weise, wie bereits vorhin  
versehen, verfahren.

§. XXVI.

Adjudicatione peractâ, creditor non prius in foris  
Saxonicis consequitur dominium utile, quam resignatio  
ejusdem à Vasallo debitore facta est, de cujus modo &  
tempore quid *Ordinat. Elect. Sax. veteri* cautum, ex ejus-  
dem §. 4. tit. 40. constat; id quod tamen ad præscinden-  
das varias ambages in *Ordinat. Recogn. §. 2. ad dict. tit.*  
laudabiliter est immutatum, ita quidem, ut ejusmodi  
resignatione dominii utilis ex parte Vasalli post adjudi-  
cationem plane non sit opus, quin potius illud cum ipsa  
adjudicatione ipso facto, pro resignato haberi debeat.

§. XXVII.

Executionem utut legitimè contra Vasallum pera-  
ctam creditoribus, potiori jure gaudentibus, plane esse  
innoxiam, ipsa naturalis conducet ratio. Ex quo con-  
fit, quod ita immixtus priori & potiori creditori feu-  
dum cedere teneatur, & ille absque peculiari processu  
expelli queat. *CARPZ. de Oner. feudal. Vasall. dec. 5. pos. 2. n. 3. seq.* idque de jure communi propter pignoris in-  
dividuitatem *L. 65. ff. de Evid. L. 2. C. si un. ex plur. hered.*  
indistincte, etiamsi prædium feudale ita sit compara-  
tum, ut utrique creditori ex illo fieri queat solutio, ob-  
tinet *L. 2. C. qui pot. in pign. junct. L. 10. C. cod.* At vero  
Jure Sax. Elector. si inter priorem creditorem & immix-

sum posteriorem de certa feudi portione, ex quâ ille satisfieri sibi velit, non conveniat, arbitrio judicis relinquitur moderatio, quatenus immissus anteriori creditori cedere debeat, vel non debeat. *Ord. Proc. tit. 40. §. 5.* & hoc sancitum Electorale Saxonicum, cum sit Juris Civ. correctorium, merito ad fenda sola restringi, & in allodialibus generali Juris Civ. dispositioni inhæreri ex BERLICHIO & ZIEGLERO optimè observavit B. Dn. MENCKE *ad Proc. d. 1. p. 623.*

§. XXVIII.

Neque porro executio feudalis sive in proprietatem, sive fructus feudi facta fuerit, agnatis & simultaneè investitis præjudicio esse poterit, si ipsi in debitum Vasalli consensu Domini munitum, haud consenserunt, quia de debitis à Vasallo defuncto contractis non aliter, quam si vel feudalibus fuerunt, vel in non feudalibus consenserunt, tenentur. *II. F. 25. Constit. Elect. 46. P. 2.* Et quem admodum nihil refert utrum ejusmodi consensus expressus, sive tacitus fuerit, qualis exinde satis quidem aperte colligitur, si (1) agnatus vel simultaneè investitus ad consentiendum à Vasallo fuit vocatus, (2) actui oppignorationis ipse interfuit, & (3) instrumentum oppignorationis, cui clausula de consensu ejus interposito est inserta, prælectum, lubens & citra contradictionem subscripsit; arg. *L. 30. ff. de V. O. L. 8. §. 15. ff. quib. mod. pign. vel hypoth. solv. L. 26. §. 1. ff. de pignor.* Ita e contra, si hæc momenta deficiunt, & simultaneè investitus vel agnatus v. g. Contractum solummodo, quâ testis requisitus, subscripsit; vel si in actu oppignorationis fuit præsens, & tacuit, exinde consentiendi intentio neuti-

neutiquam colligi, nec per consequens executio in prædium feudale tali casu eidem nociva esse poterit. CARPZ. *L. 5. Resp. 3. n. 12. & P. 2. C. 48. def. 6.*

§. XXIX.

Quodsi etiam contingat, quosdam cognatos vel simultaneè investitos Vafallo feudum oppignoranti consensum suum præbuisse, quosdam vero non, pari modo his, qui non consenserunt, sive ejusdem sive disparis gradus vel numeri sunt, reliquorum consensus nocere non potest; cum alteri per alterum iniqua conditio inferri non debeat. Cujus consequens est, ut illi, qui non consenserunt, si successio Vafallo debitore ejusve filiis mortuis ad ipsos devoluta feudum repetere possint, nec debitum, pro quo illud fuit oppignoratum, salvo tamen creditori contra heredes allodiales regressu, *Corp. Jur. Sax. p. 483. solvere debeant. II. F. 39. BERLICH. P. 2. Concl. 51. n. 48. Ord. Proc. Sax. tit. 40. §. 6.* Executio enim ita peracta eousque saltem subsistit & valida est, quousque Vafallus debitor, ejusve filii, quos factum patris semper præstare oportet, vivunt, feudumque à simultaneè investitis vel agnatis non revocatum. *Ord. Proc. Saxon. d. 1.*

§. XXX.

Revocationem autem ejusmodi feudi agnati s. simultaneè investiti mediante actione revocatoria s. vindicatione peragunt, quæ realis est & perpetua; agnatis vel simultaneè investitis, qui in oppignorationem feudi non consenserunt, delatâ ipsis successione feudali, competens, contra quemcunque feudi possessorem, ad illud cum omni causa, citra pretii refusionem restituendum. *I. F. 8. II. 26. §. Titius & c. STRUV. S. J. F. cap. 13. §. 17.* Perpetuam dixi illam, cum ad triginta annos à momento delatæ successionis computan-

putandos & in Saxonia 31. annos. 6. septim. & 3. dies duret, qui terminus tricennalis in Jure Fend. aliis juribus amittendis regulariter præfinitus. STRUV. c. 1. §. 18. Sed cave, *Jus hoc revocandi cum Jure Retractus*, quod usu vulgi etiam *Jus Proximifcos* appellari consuevit, confundas. *Jus enim Revocandi* (1) in omni alienationis feudalis specie, sive lucrativi, sive onerosi tituli vid. II. F. 9. §. 1. *Jus vero Retractus* in alienationibus saltem onerosis, quæ sunt pro pretio, II. F. 26. §. Titius, in lucrativis vero plane non obtinet. (2) *Jus Revocandi* agnatis & simultaneè investitis sine refusione pretii, *Jus vero Retractus* iisdem non aliter quam cum refusione pretii datur. (3) *Jus Revocandi* post mortem demum Vasalli alienatoris, & delatâ agnatis successione; *Jus Retractus* vero Vasallo alienatore adhuc vivente & successione nondum delatâ ex solo jure proximitatis, exercetur. (4) *Jus Revocandi* ad 30. annos locum habet, *Jus vero Retractus* in casu venditionis voluntariæ ad annum, in casu vero necessariæ venditionis, quæ sit per modum executionis sub hæstâ juxta O. P. S. R. tit. 40. §. 3, ad terminum licitationis, pro impediendâ adjudicatione durat, adjudicatione vero factâ in totum cessat. (5) *Jus Revocandi* agnatis vel simultaneè investitis in alienationem Vasalli contentientibus non competit supra §. XXVIII. arg. II. F. 39. *Jus vero Retractus* iisdem tum etiam, quando in oppignorationem & alienationem consenserunt, conceditur; siquidem per ejusmodi consensum generalem ad oppignorandum & alienandum agnatus Juri Retractus renunciassè neutiquam creditur. B. DN. MENCKE ad Ord. Proc. tit. 40. §. 21. p. 634.

§. XXXI.

Plura in medium proferendi materiæ quidem dignitas postularet & amplitudo, sed ut abrumpan, finemque dissertationi meæ imponam, temporis institutique mei, quod brevitas studium exigit, me jubet ratio. Faxit D. T. O. M. ut tantillus hicce labor ad ipsius gloriam, meique & proximi vergat utilitatem.

